

علوم غزته سي

العدد - ٢١

سیاح شرق در قرن ثالث سلیمان بصری

سلیمان بصری نك سیاحت نامه سی ایکی قسم اوزره در قسم اول بالذات کندونك ۲۳۷ سال هجریده یازدیغی و قسم ثانی سنه ۲۶۵ ابو زید حسن نام ذاتك لاجل الاکمال تحریر ایلدیکی در بوقسم ثانی ده سلیمانك بیانندن فضله بر موقع یوق فقط چینی و هندی وزنجی لرلک عادات و احوال و اخلاقسه دائر تفصیل وار سلیمان ابتدا بصره دن حرکتله مسقط دیارینه کچدی بعده عجم کورفرندن بحر ۴۶انه دوشدی بحر ۴۶انه ده کوردیکی «عروسه البحر» دینلان هیکل عجیب و حوت غریبی یازار و ملاحر چاک چالارق اورکودوب سفینه یی شرنندن خلاص ایلدکلرینی بیان ایلر بونی و نون و یونس قیلندن جسیم بالقلمی تعریف ایلدکن صکره بحر ارکنده وصولانی و مالیدیو و صوند آطه لرینی ذکر ایلر سلیمان اوراده ۱۹۰۰ جزیره تعداد ایدر لدی التحقیق مبالغه سی یوقدر شمدی اوروپا لیر مالیدیو آطه لرینی ۱۲۰۰ عدد ایدر لر جزائر صوند ایسه یدی یوزدن آزدکل در حالیا «مالیدیو» انگلیز ضبطنده و ۱۸ ملیون اهالیسی اولان «صوند» ک جوق یلری هولاندالولرک استیلا سنده در مومی الیه بوجزائر سواحلنده بیوجک بیوجک آق ککهر با پارجه لری بولند یغنی یازار اوزمان حکمدارلری برقادین اولدیغنی و سیلانده صدف و اینجو حاصلاتی ذکر ایدر سومطرا آطه سنک آلتون معادنیه ثروتی و بوجزائر سکنه سندن نیقوبار و آندامان کی بعض قبائلک مردم خوار اولدقلرینی سویلرو فی الواقع بوقبائلک مردم خوار اولدقلری الیوم دخی معلومدر سلیمان بصری اوروپا لیلرک افتخار ایده کلدکلری و ندیک لو «مارقویولو» کی یلانچی سیاح اولما یوب کوردیکی ککی طوغریجه یازمشدر دیرکه «بحر ارکنده بعضا او یله شدتلی طلومبدلر اولایورکه کیلری پارجه پارجه ایدیور و بی حساب بالقلمی قرهیه

آتابور و کذا طاشلری طالعہ لری قبار دجہ آتش یالینی کی رنگنا
 اولور» بحر مذکورہ عجیب الہیکل حیوان مفترس کثرتی بازار شمدی
 اصناف حوت دن بحث ایدن اورو یا علمائی اوقیانوس ہندی دہ مفترس
 کوپک بالقلری وجودینہ مطلع اولدیلر بزم تاجر نیقوبار خلقنہ تیمور
 و یروب ہندستان جوزی و سکر قامشی و موز و خر نارجیل ایله مبادلہ
 ایلدکن صکرہ اورادن یلکن آجوب مالاقہ سواحانہ کتدی بعدہ
 جلاہٹ در یاسندہ اون کون قدر طالعہ لری آسقدن صکرہ بر محلہ وصولی
 اشعار ایدر کہ تمر یقنہ کورہ «سنقاہور» اولہ جق آندن صکرہ
 «کدرنج» دریاسیلہ شمایہ توجہ ایلدیکنی بیان ایلر کہ سیام کورفزی در
 تاجر من دلو کہ ایله ہند جینی یسندہ «سنف» دریاسندہ دخی دوشر
 اورادن «وارلا» بروندہ «ساندر فولات» جزیرہ سندہ کلور بعدہ
 «صانبی» دکر بندہ کیرر کہ بحر چین در اودر یادہ برداہ جالقالاندقدن
 صکرہ چین لیجانی «خانفو» بہ واصل اولش کہ شمدیکی «چہ کیانغ»
 شہری اورادہ در

سلیمان بصری نک سیاحنامہ سی اخلافنہ پک نافع برکذار و رہنمای
 یادکار اولدیغی حالیا اوروپا سیاحلری طرفلرندن دخی اعتراف
 اولمشدر

